

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZAVIDOVIĆIMA ODJELJENJE U MAGLAJU
Broj: 42 I I 007852 25 I 2
Maglaj, 02.02.2026.godine

OPĆINSKI SUD U ZAVIDOVIĆIMA ODJELJENJE U MAGLAJU, sudija Seka Bradarić, u izvršnom postupku tražioca izvršenja MKF „EKI“, filijala Zenica, ul. Adolfa Goldbergera br. 9, Zenica protiv izvršenika Bejzić Amira iz Maglaja, Zanatlijska ulica br. 6, radi isplate duga, v.s 1.262,69 KM donio je dana 02.02.2026.godine

Z A K L J U Č A K **O PRVOJ PRODAJI POKRETNIH STVARI IZVRŠENIKA**

1. Određuje se ročište za **PRVU** prodaju pokretnih stvari izvršenika, putem USMENOG JAVNOG NADMETANJA, za dan **17.03.2026.godine u 10,00 sati** u zgradi Općinskog suda u Zavidovićima, Odjeljenje u Maglaju, ul. Viteška bb, kancelarija broj 57.
2. Prodavat će se pokretne stvari izvršenika i to:
 - PMV VOLKSWAGEN 6N POLO, godina proizvodnje 1996, broj šasije WVWZZZ6NZTW072018, reg. oznake M10-A-602 po početnoj cijeni od 1.500,00 KM.
3. Sudski izvršilac je dana 06.11.2025.godine obavio pljenidbeni popis i procijenio vrijednost pokretnih stvari o čemu je sastavio zapisnik. Zaplijenjene pokretne stvari ostavljene su na čuvanje izvršeniku uz zabranu za dalje raspolaganje.
4. Na zakazanom ročištu predmetne pokretne stvari se ne mogu prodati ispod $\frac{1}{2}$ utvrđene odnosno procijenjene vrijednosti.
5. Ponuđač sa najvećom ponudom dužan je platiti cijenu odmah nakon objavljivanja rezultata javne prodaje, osim ako sud zaključkom ne odluči drukčije. Ako to ne učini, drugi ponuđač će biti proglašen kupcem i biće dužan platiti cijenu koju je ponudio i tako redom dok ima ponuđača.
6. U slučaju da nijedan od ponuđača sa ponudom od $\frac{1}{2}$ procijenjene vrijednosti ne plati cijenu po pozivu suda, sud će na zahtjev jedne od stranaka oglasiti da prvo ročište za prodaju nije uspjelo, a svaka stranka može u roku od 8 dana zatražiti zakazivanje novog ročišta. Na drugom ročištu pokretna stvar se može prodati bez ograničenja u pogledu cijene.
7. Sud će obustaviti postupak ako ne bude predloženo drugo ročište u navedenom roku ili ako se pokretne stvari ne uspiju prodati ni na drugom ročištu.
8. Sud će u smislu člana 77. ZIP-a a u vezi sa članom 135. ZIP-a, zaključkom na zahtjev zainteresiranog lica, omogućiti razgledanje zaplijenjenih pokretnih stvari, te odrediti način i vrijeme njihovog razgledanja uz prisustvo sudskog izvršioca s tim da zahtjev mora biti podnesen u pisanoj formi 8 dana prije dana održavanja ročišta.
9. Na javnom nadmetanju pravo učešća imaju sva pravna i fizička lica izuzev lica iz člana 88. ZIP-a uz uvjet da su prethodno položila osiguranje koje iznosi $\frac{1}{10}$ određene vrijednosti pokretnih stvari koje se žele kupiti. Od polaganja osiguranja oslobođen je tražilac izvršenja. Osiguranje se polaže na depozitni račun Općinskog suda u Zavidovićima otvoren kod ASA banka d.d. broj 134-030-0000061026 sa naznakom broja predmeta.
10. Ovaj zaključak objavit će se na oglasnoj tabli suda, a stranke o svom trošku mogu objaviti ovaj zaključak i u sredstvima javnog informisanja .

Sudija
Seka Bradarić
Za tačnost prepisa

Pouka o pravnom lijeku:

Protiv ovog zaključka nema mjesta pravnom lijeku.